



Norsk institutt for naturforskning
Postboks 5685 Torgarden
7485 TRONDHEIM

Saksbehandlar, innvalstelefon
Øistein Aasland, 5557 2322

Løyve til merking av analyseruter og uttak av små mengder plantemateriale i samband med overvakingsprogrammet; Arealrepresentativ naturovervaking (ANO) i Skaupsjøen/Hardangerjøkulen landskapsvernområde

Statsforvaltaren i Vestland gjev Norsk institutt for naturforskning (NINA), ved prosjektleiar Lise Tingstad løyve etter verneforskrifta for Skaupsjøen/Hardangerjøkulen landskapsvernområde til merking av analyseruter og uttak små mengder plantemateriale i samband med overvakingsprogrammet; Arealrepresentativ naturovervaking (ANO) i eit område sør for Søre Midnuten og eit område aust for Langavatnet i Eidfjord kommune.

**Vedtaket er heimla i naturmangfaldlova § 48.
Det er sett vilkår til løyve.**

Vi viser til søknad frå Norsk institutt for naturforskning (NINA), ved prosjektleiar Lise Tingstad – datert den 5. april 2022.

Bakgrunn for saka

På oppdrag frå Miljødirektoratet skal NINA utføre kartlegging i samband med eit nasjonalt overvakingsprogram; Arealrepresentativ naturovervaking (ANO), og dette skal gje ein nasjonal statistikk på langsiktige endringar i norsk natur.

ANO sine overvakingsflater er fordelt over heile fastlands-Noreg. Flatene er valt frå SSB sitt rutenettverk, med 500 x 500 meter flater og i kvar flate er det lagt ut eit forband på 18 punkt som undersøkjast. På kvart av dei 18 punkta i ei ANO-flate registrerast vegetasjon i ei kvadratmeterrute. Sidan ANO er eit langsiktig overvakingsprosjekt, så må ruta merkast med to fastmerke for å gjere det mogleg å finne tilbake til eksakt same ruta om fem år.

NINA søker om løyve til å slå ned to metallrør i samband med merking av analyseruter, til saman 36 merker pr ANO-flate. Fastmerka som nyttast er aluminiumsrøyr med 1 cm diameter og lengde 5-10 cm (avhengig av terreng). Merka vert sett heilt ned i jorda, slik at dei er svært lite synlege. Alle



punktvert og registrert med høg presisjon GPS, slik at dei vert lettare å finne igjen. Når prosjektet vert avslutta, skal alle fastmerka fjernast.

I tillegg er det aktuelt med uttak av små mengder plantemateriale i samband med artsfastsetjing. Feltarbeidet vil gå føre seg i tidsrommet juli-september i sesongane 2022 og 2024.

Statsforvaltaren si vurdering

Søknaden om merking av analyseruter og uttak små mengder plantemateriale i samband med overvåkingsprogrammet må handsamast etter § 48 i naturmangfaldlova «*Dispensasjon frå vernevedtak*». Her står det mellom anna at: «*Forvaltningsmyndigheten kan gjøre unntak fra et vernevedtak dersom det ikke strider mot vernevedtakets formål og ikke kan påvirke verneverdiene nevneverdig, eller dersom sikkerhetshensyn eller hensynet til vesentlige samfunnsinteresser gjør det nødvendig.*»

Statsforvaltaren kan ikkje sjå at dette prosjektet med overvaking langsiktige endringar i norsk natur vil påverke verneverdiane i negativ lei. Det er naudsynt at naturen og endringar i naturen vert overvaka over lang tid. Det vil og vere positivt at floraen vert systematisk undersøkt.

Saka er ikkje sendt på høyring til Tilsynsutvalet i Vestland - for Hardangervidda nasjonalpark eller Villreinnemnda for Hardangerviddaområdet. Søknaden om utlegging og merking av analyseruter og uttak små mengder plantemateriale i eit område sør for Søre Midnuten og eit område aust for Langavatnet i Eidfjord kommune er vurdert etter naturmangfaldlova §§ 8-12.

§ 8 kunnskapsgrunnlag: Statsforvaltaren meiner vi har eit relativt godt kunnskapsgrunnlag i høve til denne søknaden. Det vert i søknaden presisert at det er små inngrep og installasjonar som trengst og det er ikkje tale om å ta ut mange planteprøver.

§ 9 føre-var-prinsippet: Slik vi ser det vil det ikkje være fare for at feltarbeid i dette området vil ha ukjende, store negative konsekvensar for verneverdiane. Vi er og trygg på at den naturfaglege oppfylginga er i dei beste hender ved at det er Norsk institutt for naturforskning som står bak søknaden og er dei som skal utføre feltarbeidet.

§ 10 økosystemtilnærming og samla belastning: Vi meiner at prosjektet og feltarbeidet ikkje vil gje uønskede konsekvensar for økosystem eller naturverdiar.

§ 11 kostnadene ved miljøforringing skal berast av tiltakshavar: Vi ser ikkje at det er relevant å vurdere dette, då det ikkje er stor fare for miljøforringing ved gjennomføring av tiltaket.

§ 12 miljøforsvarlege teknikkar og driftsmetode: Dei omsøkte tiltaka i samband med merking av analyseruter og feltarbeidet er små, og vil bli utført manuelt, så vi meiner dei klart er innanfor det som kan reknast som miljøforsvarlege teknikkar.

Vedtak

Statsforvaltaren i Vestland gjev Norsk institutt for naturforskning (NINA), ved prosjektleiar Lise Tingstad Løyve etter verneforskrifta for Skaupsjøen/Hardangerjøkulen landskapsvernområde til merking av analyseruter og uttak små mengder plantemateriale i samband med overvåkingsprogrammet; Arealrepresentativ naturovervaking (ANO) i eit område sør for Søre Midnuten og eit område aust for Langavatnet i Eidfjord kommune.

Vedtaket er heimla i naturmangfaldlova § 48, «*dispensasjon frå vernevedtak*»



Det vert sett fylgjande vilkår til løyve;

- Alle analyserutene kan merkast i terrenget. Det kan setjast ned aluminiumsrøyr med 1 cm diameter og lengde 5-10 cm, slik skildra i søknaden for kvart av dei ANO-felta som ligg innanfor landskapsvernområdet.
- Det kan samlast inn planter og plantedelar til artsfastsetjing. Det skal ikkje takast meir planter eller plantemateriale enn det som trengst for desse undersøkingane.
- Når prosjektet vert avslutta skal alle fastmerka fjernast.
- Statasforvaltaren eller forvaltningsstyresmakt skal ha tilsendt kopi av rapportar og anna forskingsresultat som kjem ut av overvakingsprogram; Arealrepresentativ naturovervaking – som omhandlar Skaupsjøen/Hardangerjøkulen landskapsvernområde.

Vedtaket kan påklagast til Miljødirektoratet av part i saka eller andre med rettsleg klageinteresse, jf. forvaltningslova § 28. Klagefristen er 3 veker etter at ein er kjent med vedtaket. Klagen skal stilast til Miljødirektoratet, men skal sendast til Statsforvaltaren i Vestland

Med helsing

Stein Byrkjeland
fagdirektør

Øistein Aasland
seniorrådgjevar

Dokumentet er elektronisk godkjent

Kopi til:

Norsk institutt for naturforskning v/Lise Tingstad
Eidfjord kommune
STATSKOG SF
Tilsynsutvalet i Vestland - for Hardangervidda nasjonalpark
Villreinnemnda for Hardangerviddaområdet
SNO-Hardangervidda